

## **MSM CATAT KERUGIAN SEBELUM CUKAI SEBANYAK RM23 JUTA BAGI SUKU KEDUA TAHUN KEWANGAN 2025**

*Terus memantau peningkatan kos pengeluaran*

**KUALA LUMPUR, 25 OGOS 2025** – MSM Malaysia Holdings Berhad (MSM), pengeluar jenama gula bertapis terkemuka negara "Gula Prai", mencatatkan kerugian sebelum cukai (LBT) pada suku kedua tahun kewangan berakhir 31 Disember 2025 (S2TK2025) sebanyak RM23 juta, lebih rendah berbanding suku yang sama tahun lalu (S2TK2024) sebanyak RM32 juta, disumbangkan oleh pengurangan lebih besar dalam kos pengeluaran sebanyak 18 peratus didorong oleh NY11 yang lebih rendah, kos pengangkutan dan pertukaran asing.

Hasil untuk S2TK2025 berjumlah RM813 juta, 2 peratus lebih rendah daripada RM833 juta pada S2TK2024. Kemerosotan dalam hasil terutamanya disebabkan oleh harga jualan purata (ASP) yang lebih rendah khususnya dalam kategori industri dan eksport, walaupun mencatatkan jumlah jualan yang lebih tinggi.

Kumpulan melaporkan faktor penggunaan kapasiti (UF) yang lebih rendah sebanyak 49 peratus pada S2TK2025, berbanding 50 peratus pada S2TK2024 disebabkan oleh pengurangan pengeluaran bagi menguruskan inventori di kedua-dua kilang penapisan, namun disokong oleh konsistensi dalam hasil kecekapan.

Pemangku Ketua Pegawai Eksekutif Kumpulan MSM, Hasni Ahmad berkata, "Industri gula dijangka kekal mencabar pada tahun 2025, didorong oleh kos input yang tinggi secara berterusan serta harga gula mentah yang tidak menentu akibat turun naik jumlah pengeluaran global."

"Walaupun berdepan dengan cabaran ini, permintaan gula domestik dijangka memuncak menjelang akhir tahun, disokong oleh trend penggunaan semasa musim perayaan. Kumpulan terus memperkukuh kedudukan domestik dan mengurangkan cabaran harga eksport walaupun permintaan stabil, serta meneroka peluang pasaran produk bernilai tambah. Selain itu, Kumpulan juga sedang merombak dan mengoptimumkan operasi kami bagi memastikan keuntungan," kata Hasni.

MSM kekal aktif bekerjasama dengan Kerajaan melalui platform Industri Gula Bersama bagi memuktamadkan rangka kerja penetapan harga yang mampan serta melaksanakan kawalan import ke atas gula bertapis – langkah yang dianggap penting bagi melindungi keterjaminan makanan negara dan memastikan kelangsungan jangka panjang industri gula Malaysia.

MSM telah disenaraikan dalam Indeks FTSE4Good Bursa Malaysia (F4GBM) dan FTSE4GOOD Bursa Malaysia Shariah (F4GBMS), susulan peningkatan inisiatif Alam Sekitar, Sosial dan Tadbir Urus (ESG) yang diiktiraf oleh ambang penarafan FTSE Russell, UK.

Sejak tahun 1964, MSM telah mengukuhkan kedudukannya sebagai kilang penapisan gula negara yang terkemuka dan berada di antara 10 penapisan terbaik di dunia. Pertumbuhan MSM disokong oleh rangka kerja ESG yang kukuh yang disepadukan sepenuhnya dalam perniagaan dan operasi. MSM memajukan ekonomi kitaran melalui inisiatif sisa kepada hijau atau 4R dan secara aktif mengurangkan jejak karbonnya. MSM menyasarkan untuk mencapai karbon neutral menjelang 2030.

## **-TAMAT-**

### **Maklumat MSM Malaysia Holdings Berhad (MSM)**

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama “Gula Prai”. Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2024, MSM mengeluarkan sebanyak 1,104,290 MT gula bertapis, di mana 258,932 MT adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 28 Jun 2011 dan mempunyai modal pasaran sebanyak RM830 juta pada 31 Disember 2024. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama “Gula Prai”. MSM juga turut menjual ‘molasses’ sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari [www.msmsugar.com](http://www.msmsugar.com)

### **Pernyataan Berpandangan Ke Hadapan**

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti “percaya”, “menganggarkan”, “mengharapkan”, “menjangka”, “berhasrat”, “mungkin”, “akan”, “merancang”, “prospek” dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

### **Untuk pertanyaan media sila hubungi:**

**Siti Noorbaya Mohd Yunus**  
+6016 677 6118  
[noorbaya.my@msmsugar.com](mailto:noorbaya.my@msmsugar.com)

**Syahidah Ismail**  
+6019 225 9705  
[syahidah.i@msmsugar.com](mailto:syahidah.i@msmsugar.com)